

4^{TA} SESSIONE STRASURDINARIA DI U 2025
24 È 25 DI LUGLIU DI U 2025

4^{ÈME} SESSION EXTRAORDINAIRE DE 2025
24 ET 25 JUILLET 2025

N° 2025/E4/048

**Question orale déposée par Mme Marie-Claude BRANCA
au nom du groupe « Core in Fronte »**

**OBJET : PÀ FÀ CAMPA A NOSCIA AGRICULTURA : UNA NICISSARIA
PRUTIZIONI CONTRU A I MALATII**

Sgiò Cunsiglieri in carica di l'agricultura,

Dumani ci prisintareti un rapportu annant'à à malatia d'Aujeszky chi tocca i purcedda è i signara.

Ma ùn hè a prima volta chi si parlarà, qui in st'Assemblea, di malatii chi toccani l'animali o a vegetazioni. Ramintemuci par esempiu a febbra catarrali, a pesta purcina, a Xylella fastidiosa ed altri.

Attualmente si parla monda di a DNC, « La Dermatose Nodulaire Contagieuse » chi tocca i vacini.

Pà avali ci hè sulamenti un vaccinu ma ùn hè tantu sicuru è in certi casi t'ha effetti negativi annant' à a fecondità di l'animali. I dui misuri imposti da u Statu francesu so di tumbà tutta a banda ancu si un solu animali hè toccu è l'isulamenti di l'animali.

Da poi qualchi tempu si sa chi ci so i casi di DNC in Sardegna è in Savoia. Si a malatia ghjunghji in Corsica, incù l'ubbligazioni di tumbà tutti l'animali saria un scumpientu pà l'addevu corsu.

I rispunsevuli agriculi corsi hani dumandatu a u Statu di metta in ballu una misura d'intirdizioni d'impurtazioni pà a statina, u tempu di metta in anda veri misuri di prutizioni.

Prima, u Statu ùn ha rispostu nudda po' ha ricusatu dindu chi tutti i rigioni francesi devini essa trattati di a stessa manera è chi sta misura hè impussibili.

Ùn si pò accittà chi l'agricultura corsa ghjà à a malavia s'ghì missa ancu di più in priculu par via di a tralascera è u disprezzu di u Statu.

Dopu à misuri d'urgenza dumandemu dinò a missa in ballu di misuri serii di tracciabilità di l'animali è di i vegetali chi entrini in Corsica pà pugnà di pruteghja l'agricultura chi hè in priculu è devi ritruvà a so piazza à u centru di a noscia suciità. Sapemu s'ghì Prisidenti chi v'impigneti a pro di l'Agricoltura corsa ma qui ci voli di movasi prestu è energeticamenti :

- Seti d'accusentu pà agiscia incù forza in unioni incù tutti l'attori agriculi è pulitichi di manera à uttena da u Statu un ingagiamentu scrittu è misuri forti di prutizioni ?

Vi ringraziu.